



1067/4-2/22 2 09022022

1067/4-2/22  
09-02-2022

საქართველოს მედიატორთა ასოციაციის თავმჯდომარეს,

ბატონ ირაკლი ყანდაშვილს

ბატონო ირაკლი,

საქართველოს პარლამენტის რეგლამენტის 148-ე მუხლის პირველი პუნქტის საფუძველზე, გთხოვთ, მოგვაწოდოთ შემდეგი სახის ინფორმაცია:

1. ალიმენტის გადახდევინების შესახებ რამდენ დავაზე განხორციელდა მედიაციის პროცესი 2020 წლის 1 იანვრიდან დღემდე.
2. ალიმენტის გადახდევინების შესახებ დავებიდან რამდენ შემთხვევაში განხორციელდა მედიაციის პროცესი სარჩელის სასამართლოში წარდგენამდე და წარდგენის შემდეგ.
3. მედიაციის პროცესის შედეგად რამდენ საქმეზე იქნა მიღწეული სამედიაციო შეთანხმება და როგორია აღნიშნული მონაცემი სარჩელის სასამართლოში წარდგენამდე და წარდგენის შემდეგ დაწყებულ მედიაციის საქმეებზე.

პატივისცემით,

პარლამენტის წევრი  
მიხეილ სარჯველაძე

*მი. სარჯველაძე*



საქართველოს პარლამენტის  
ადამიანის უფლებათა დაცვისა და სამოქალაქო ინტეგრაციის კომიტეტის თავმჯდომარეს  
ბ-ნ მიხეილ სარჯველაძეს  
მის: თბილისი 0118, რუსთაველის გამზირი 8, საქართველოს პარლამენტის სასახლე

ბატონო მიხეილ,

თქვენი 2022 წლის 9 თებერვლის #1067/4-2/22 წერილის პასუხად გაცნობებთ:

საქართველოს „მედიაციის შესახებ“ კანონი ითვალისწინებს მედიაციის ორი სახის ფორმას: სასამართლო და კერძო მედიაციას. სამედიაციო პროცესებზე სტატისტიკური კონტროლის განხორციელება და წარმოება არ წარმოადგენს ასოციაციის უფლებამოსილებას, თუმცა მედიაციის სფეროს განვითარების მიზნით ასოციაცია სასამართლო მედიაციის ცენტრებიდან პერიოდულად საჭიროებისამებრ ითხოვს სასამართლოს მედიაციის ცენტრებში არსებული სამედიაციო პროცესების სტატისტიკის შესახებ ინფორმაციას.

თქვენი წერილის მოთხოვნის შესაბამისად, ასოციაციამ გამოითხოვა ამ ეტაპზე მოქმედი სასამართლო მედიაციის ცენტრებიდან მედიაციის შესახებ არსებული სტატისტიკა. აქვე გაცნობებთ, რომ ასოციაცია მოკლებულია შესაძლებლობას კერძო მედიაციის შესახებ აწარმოოს და მოიპოვოს სტატისტიკური ინფორმაცია, იქიდან გამომდინარე, რომ თითოეული მედიატორი დამოუკიდებლად ასოციაციის ჩაურევლად აწარმოებს კერძო სამედიაციო პროცესებს.

თქვენი მოთხოვნის საფუძველზე თანდართული დოკუმენტის სახით გიგზავნით 2020 წლის 1 იანვრიდან დღემდე ამ ეტაპზე მოქმედ სასამართლო მედიაციის ცენტრებისთვის, როგორც ზოგადად ისე ალიმენტის გადახდევინების შესახებ განხორციელებულ სასამართლო მედიაციის საქმეთა სტატისტიკას, მათ შორის მორიგებით დასრულებულ საქმეთა რაოდენობის შესახებ ინფორმაციას. ამასთან გაცნობებთ, რომ საქართველოს მედიატორთა ასოციაციის ინიციატივით და ორგანიზებით 2021 წელს, განხორციელდა პრო ბონო პროექტი საოჯახო მედიაციაში. პროექტის ფარგლებში მომართვიანობამ საერთო ჯამში შეადგინა 10 კერძო მედიაცია, რომელთაგან 7 მედიაცია დასრულდა მორიგებით. მორიგებით დასრულებული მედიაციიდან 3 მედიაცია ეხებოდა საალიმენტო საკითხებს.

მისამართი: თბილისი, ნუგუბიძის ქ. 14B  
Web: [www.mediators.ge](http://www.mediators.ge) Email: [info@mediators.ge](mailto:info@mediators.ge)

მისამართი: თბილისი, ნუგუბიძის ქ. 14B  
Web: [www.mediators.ge](http://www.mediators.ge) Email: [info@mediators.ge](mailto:info@mediators.ge)

საქართველოს პარლამენტის აპარატი  
საქმისწარმოების დეპარტამენტი  
შეგონ. № 1-1690/22  
14.02.2022. ფურს. 3

აქვე გვინდა კიდევ ერთხელ ხაზგასმით აღვნიშნოთ, რომ ვინაიდან ასოციაცია თავად არ ახორციელებს სტატისტიკური მონაცემების წარმოებას, მოწოდებული სტატისტიკა ეფუძნება სასამართლო ცენტრების მიერ ასოციაციისთვის მოწოდებულ ინფორმაციას.


წინარე წერილით გიფიქსირებთ პატივისცემას და თანამშრომლობის მზაობას.

პატივისცემით,

სსიპ საქართველოს მედიატორთა ასოციაციის  
თავმჯდომარე

ირაკლი ყანდაშვილი  
დანართი (1 ფურცლად)

### 2020-2022 წლის სასამართლო მედიაციის სტატისტიკა



### 2020-2022 წლის სასამართლო მედიაციის სტატისტიკა

- სასამართლო მედიაციის ცენტრებს გადაცემული საქმეთა რაოდენობა 315
- მეთანხმებით დასრულებული 195
- ალიმენტის გადახდევინების შესახებ განხორციელებული მედიაცია 20
- ალიმენტის გადახდევინების შესახებ განხორციელებული მედიაცია მორიგებით დასრულებული 12